




Ured u Sarajevu

Broj: **Ž-SA-04-1061/14**

Datum: 10.11.2014. godine



KANTON SARAJEVO

Ministarstvo za obrazovanje, nauku i mlade

Ulica Reisa Džemaludina Čuševića 1

71 000 Sarajevo

Predmet: *postupak istrage, traži se izjašnjenje*

Poštovani,

Instituciji ombudsmena za ljudska prava Bosne i Hercegovine (u daljem tekstu: Institucija ombudsmena) zaprimila je veći broj žalbi koji se odnose na *Pravilnik o kriterijima za prijem zaposlenika u radni odnos u predškolskim ustanovama, osnovnim i srednjim školama kao javnim ustanovma na području Kantona Sarajevo*¹ (u daljem tekstu: Pravilnik).

Naime, u navodima žalbe primjedbe se odnose na član 17 stav 1 i donošenje odluka od strane direktora. Podnosioci žalbe ukazuju da prilikom donošenja odluke direktori ne biraju najboljeg kandidata već obično kandidate sa manjim brojem bodova na koji način dovode u naravnopravan položaj najkvalitetnijeg kandidata, odnosno da su diskriminirani. U dostavljenim predmetima primjećeno je da nerijetko kandidati ostvare najveći broj bodova u više škola i budu od strane komisija za prijem kandidata ocijenjeni kao najuspješniji, te prvi na konačnoj rang listi, međutim direktori biraju slabije plasirane kandidate bez adekvatnog obrazloženja.

Kao jedan od konkretnih predmeta može se navesti konkursna procedura u JU OŠ "Hašim Spahić" Hijaš gdje je provedena procedura zapošljavanja nastavnika fizike u kojoj je izabran drugorangirani kandidat iako je razlika između prvorangiranog i drugorangiranog (primljenog) kandidata bila 16.75 bodova. U

¹ „Službene novine KS“ broj: 03/13

istražnom postupku dokazano je da je direktor odabrao kandidata koji je bio zapošljavan ugovorima na određeno i prije u navednog školi.


Također, u jednom od registriranih predmeta stranka je ukazala na postupanje direktora u JU OŠ "Peta osnovna škola" Sokolovići prilikom odabira nastavnika psihologije, gdje je nakon konkursne procedure odabrana drugograngirana kandidatkinja koja je imala manji broj bodova, međutim stranka je ukazala na nepotizam, odnosno da je odabrana kćerka zamjenice direktorice, što je Institucija ombudsmena u istražnom postupku i dokazala.

Ovakvo postupanje direktora u školama Institucija ombudsmena nalazi zabrinjavajućim jer u konačnici direktori ne biraju najkvalitetnije nastavnike za obrazovni proces, već na odabir utiču drugi motivi.

Kako je Institucija ombudsmena informirana da se nekolicina nastavnika lično i putem udruženja obrađala Ministarstvu ističući slične primjere kao gore navedene, potrebno je da Instituciji ombudsmena dostavite izjašnjenje na žalbene navode kao i informaciju da li Ministarstvo razmatra izmjene Pravilnika, konkretno člana 17.

Dakle u skladu sa članom 25 Zakona o ombudsmeni za ljudska prava Bosne i Hercegovine, Instituciji ombudsmena je u roku od 5 (pet) dana potrebno dostaviti traženo izjašnjenje.

S poštovanjem,

Institucija ombudsmena BiH
Zastupnik savjetnica

A. Sadiković

Dostavljeno:
1 x naslov
1 x u spis



Ured u Sarajevu

Broj: Ž-SA-04-1061/14

Datum: 19.11.2014. godine

KANTON SARAJEVO

Ministarstvo za obrazovanje, nauku i mlade

Ulica Reisa Džemaludina Čauševića 1

71 000 Sarajevo



Predmet: *urgencija na akt Institucije ombudsmena od dana 10.11.2014.godine*

Poštovani,

Instituciji ombudsmena za ljudska prava Bosne i Hercegovine (u daljem tekstu: Institucija ombudsmena) zaprimila je veći broj žalbi koji se odnose na *Pravilnik o kriterijima za prijem zaposlenika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo*¹ (u daljem tekstu: Pravilnik).

Dana 10.11.2014. godine Institucija ombudsmena Vam je uputila akt na koji do danas nismo dobili odgovor. Kopiju akata Vam dostavljamo u prilogu.

Podsjećamo Vas da ste u skladu sa članovima 23. i 25. Zakona o Ombudsmenu za ljudska prava Bosne i Hercegovine² i članom 30. Pravila postupka Institucije ombudsmena za ljudska prava Bosne i Hercegovine³ dužni dostaviti izjašnjenje u roku od 7 (sedam) dana od prijema ovog akta.

S poštovanjem,

Dostavljeno:

1 x naslovu

1 x u spis

1 x podnositeljici žalbe



Ulaštenju ombudsmena BiH
Stručna savjetnica

Sadiković

¹ „Službene novine KS“ broj: 03/13

² „Službeni glasnik BiH“ broj: 35/04, 32/06 i 38/06

³ „Službeni glasnik BiH“ broj 104/11




Ured u Sarajevu

Broj: Ž-SA-04-1061/14

Datum: 10.12.2014.godine

Preporuka broj: P-284/14



KANTON SARAJEVO

Ministarstvo za obrazovanje, nauku i mlade

Ulica Reisa Džemaludina Čauševića 1

71 000 Sarajevo

PREPORUKA

u vezi sa žalbom Ž-SA-04-1061/14

I. Uvod

Institucija ombudsmena za ljudska prava Bosne i Hercegovine (u daljem tekstu Institucija ombudsmena) zaprimila više žalbi koje se odnose na *Pravilnik o kriterijima za prijem zaposlenika u radni odnos u predškolskim ustanovama, osnovnim i srednjim školama kao javnim ustanovma na području Kantona Sarajevo*¹ (u daljem tekstu: Pravilnik).

II. Žalbeni navodi

U navodima žalbe primjedbe se odnose na član 17 stav 1 i donošenje odluka od strane direktora. Podnositelji žalbe ukazuju da prilikom donošenja odluke direktori ne biraju najboljeg kandidata već obično kandidate sa manjim brojem bodova na koji način dovode u naravnopravan položaj najkvalitetnijeg kandidata, odnosno da su diskriminirani. U dostavljenim predmetima primjećeno je da nerijetko kandidati ostvare najveći broj bodova u više škola i budu od strane komisija za prijem kandidata ocijenjeni kao najuspješniji, te prvi na konačnoj rang listi, međutim direktori biraju slabije plasirane kandidate bez adekvatnog obrazloženja.

¹ „Službene novine KS“ broj: 03/13

III. Istraga Ombudsmena BiH

U cilju rješavanja predmeta podnositelja žalbe, dana 10.11.2014. godine Institucija ombudsmena uputila da akt Ministarstvu za obrazovanja, nauku i mlade Kantona Sarajevo.

S obzirom da po tom aktu Institucije ombudsmena nije zaprimila odgovor u datom roku, dana 19.11.2014. godine Institucija ombudsmena je uputila urgenciju na dopis od dana 10.11.2014. godine. Institucija ombudsmena nije dobila odgovor na navedene akt do današnjeg dana.

Relevantno zakonodavstvo

Zakon o ombudsmenu za ljudska prava Bosne i Hercegovine²

Član 1.

1. Ombudsmen za ljudska prava Bosne i Hercegovine je nezavisna institucija uspostavljena u cilju promovisanja dobre uprave i vladavine prava, zaštite prava i sloboda fizičkih i pravnih lica, kako je zajamčeno posebno Ustavom Bosne i Hercegovine i međunarodnim sporazumima koji se nalaze u dodatku tog Ustava koja će s tim u vezi nadgledati aktivnosti institucija Bosne i Hercegovine, njenih entiteta i distrikta Brčko, u skladu sa odredbama ovog Zakona.

VII –Obaveza saradnje sa Ombudsmenom

Član 25.

1. Organi vlasti u Bosni i Hercegovini obavezni su Instituciji pružiti odgovarajuću pomoć u istrazi i vršenju kontrole.

2. U vrijeme istrage ombudsmen ima pristup bilo kojem organu vlasti u Bosni i Hercegovini u cilju provjere traženih informacija, obavljanja ličnih razgovora i razmatranja potrebnih spisa i dokumenata.

3. Ombudsmenu ne smije biti odbijen pristup spisima ili administrativnim dokumentima koji se tiču aktivnosti ili djelatnosti koja je pod istragom (...)

² „Sl. i glasnik BiH“ broj: 19/02, 35/04, 32/06

IX - ODGOVORNOST ORGANA VLASTI I ZVANIČNIKA

Član 31.

1. Ako neprijateljsko ponašanje ili stav koji ometa istragu ombudsmena potiču od organa vlasti u Bosni i Hercegovini ili njenih službenika, to može biti predmetom specijalnog izvještaja i bit će pomenuto u odgovarajućem dijelu godišnjeg izvještaja.

2. Kada neki službenik iz organa vlasti u Bosni i Hercegovini ugrozi istragu tako što odbije dostaviti dokumente koje je zatražio ombudsman, ili zanemari dostaviti takve dokumente ili uskrati ombudsmenu pristup administrativnim spisima ili dokumentima neophodnim za istragu, ombudsman će poslati relevantni spis osobi nadređenoj tom službeniku ili nadležnim organima tužilaštva za odgovarajući disciplinski ili krivični postupak koji će se provesti u skladu sa zakonom.

3. Kada nadležni organi vlasti u Bosni i Hercegovini propuste preduzeti radnju, ombudsman može, umjesto tog organa pokrenuti disciplinski postupak protiv odgovornog službenika ili, tamo gdje je to potrebno, pokrenuti krivični postupak pred sudom.

X - PREPORUKE

Član 32.

1. Ombudsman može dati preporuke organima vlasti u Bosni i Hercegovini

IV. Zaključak ombudsmena

Institucija ombudsmena ustanovljena je između ostalog u cilju promovisanja dobre uprave i vladavine prava. Ovom prilikom Ombudsmeni sa aspekta svojih nadležnosti ustanovljenih *Zakonom o ombudsmenu za ljudska prava Bosne i Hercegovine*, ukazuju na to da su organi u postupku dužni postupati na način kako je to propisano Zakonom.

Za uspješno funkcioniranje Institucije ombudsmena od posebnog je značaja izgradnja dobrih odnosa između Institucija u Bosni i Hercegovini i Ombudsmena. Ovi odnosi podrazumijevaju i podršku Institucija u Bosni i Hercegovini na način da se saradnja sa Institucijom ombudsmena realizira na način propisan zakonom, preporuke Ombudsmena prihvate i ispoštuju na svim nivoima vlasti, bez ikakvog uvjetovanja.


Ministarstvo za obrazovanja, nauku i mlade Kantona Sarajevu u konkretnom slučaju nije postupalo u skladu sa odredbama *Zakona o ombudsmenu za ljudska prava Bosne i Hercegovine* i to tako što je ignoriralo akte, zahtjeve Institucije ombudsmena. Nepostupanje po aktima, zahtjevima Institucije ombudsmena predstavlja kršenje Zakona.


Uzimajući u obzir naprijed izneseno, Ombudsmeni Bosne i Hercegovine, shodno odredbama člana 32. *Zakona o Ombudsmanu za ljudska prava Bosne i Hercegovine*, donose:

PREPORUKU MINISTARSTVU


1. da odmah po prijemu ove preporuke Ministarstvo za obrazovanje, nauku i mlade Kantona Sarajevo uspostavi saradnju sa Institucijom ombudsmena na način propisan *Zakonom o ombudsmenu za ljudska prava Bosne i Hercegovine*, dostavi traženo izjašnjenje;
2. da u roku od **10 (deset) dana**, od dana prijema ove Preporuke obavijesti Ombudsmene o načinu ispoštovanja ove preporuke.

OMBUDSMENI BiH






Ljubomir Sandić



Jasminka Džumhur



Nives Jukić

Prilog: akt Institucije ombudsmena od dana 10.11.2014.godine i urgencija od dana 19.11.2014.godine

Dostavljeno:

1x naslovu
1x u spis